



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**


Vpsalen. Episcopo.

**urn:nbn:de:hbz:466:1-20006**

DECANO ET CAPITVLO  
Abrincen.

Epist. 442.  
Vt lite & ap-  
pellatione pen-  
dente attentata  
revocentur.

**A**ccedens ad apostolicam sedem dilectus filius.. deAquila magister Scholarum Abrincen. sua nobis insinuatione monstravit quod cùm olim coram vobis nostram audientiam appellasset, ne ad alicujus electionem personæ nobis procederetis aliquatenus inconsultis, vel quia nihil certum statutum erat à nobis super translatione magistri W. Abrincen. electi, vel quia vos metu secularium in præjudicium libertatis ecclesiasticæ timebat aliquid attentare, aliaſque causas rationabiles affignasset, appellatione ipsa in præsentia venerabilis fratri nostri Archiepiscopi & dilectorum filiorum Capituli Rothomagen. in scriptis & per nuncios postea innovata, cùm illuc accedere in persona propria non auderet, vos W. Tollermen. Clericum Senefcalci Normanniaꝝ infra sacros ordines tunc temporis, sicut dicitur, constitutum in fraudem ordinari fecistis, & in octavis sanctæ Crucis elegistis ipsum postquam dictus magister iter arripuit ad nos veniendi, licet contra ipsum W. coram te, fili Decane, & quibusdam aliis de ipso Capitulo à dicto magistro fuerit specialiter appellatum; quia & prorsus illiteratus erat, & propter alia multa minus idoneus pontificali officio videbatur, & in eadem Ecclesia per intrusionem eligi laborabat. Cùm autem appellatione rationabiliter interposita secundum constitutiones canonicas nihil sit innovandum, nos apostolicæ sedis contemptum & nostrum nolentes, sicut nec debemus, surdis auribus pertransire, universitati vestre per apostolica scripta mandamus atque præcipimus quatenus aliquos ex vobis usque ad Dominicam qua cantatur *Lætare Hierusalem* proximè ventram, remoto appellationis obstaculo, ad nostram prætentiam transmittatis, de præmissis excessibus responsuros: attentiūs provisuri ne circa præmissum factum procedere præsumatis, donec de his quæ præmissimus cognoscentes, de nostro beneplacito vos curaverimus reddere certiores. Datum Laterani VII. Idus Decembris.



ROTOMAGEN. ARCHIEPISC.

**A**ccedens &c. usque ad verbum in-  
novandum, fraternitati tuæ, de  
qua plenam fiduciam obtinemus, per  
apostolica scripta mandamus atque præ-  
cipimus quatenus circa præmissum ne-  
gotium ad confirmationem cuiusquam  
vel consecrationem appellatione remo-  
ta procedere non attentes, donec à no-  
bis deliberatum fuerit quid sit de his  
quæ præmissimus faciendum; cùm sine  
contemptu apostolicæ sedis & nostro  
contrarium fieri non valeret, nec nobis  
injurias velimus à nostris fratribus & co-  
episcopis irrogari, qui jura eorum ser-  
vare cupimus illibata. Datum Laterani  
Nonis Decembris.

VPSALEN. EPISCOPO.

**A**d nostram noveris audientiam  
pervenisse quod cùm quamplurimi  
Suetia Clerici non sint de legitimo  
thoro suscepiti, qui ob suæ generationis  
erubescientiam altioris gradus culmen  
appetere nulla præsumptione deberent,  
contra constitutionem in Lateran. Con-  
cilio provida deliberatione innovatam  
venire nullatenus metuentes, episcopatu-  
rum dignitates inverecunde nimium  
obtinere contendunt, cùm id fieri di-  
strictiūs in Concilio ipso vetetur; &  
quamvis adversus hujusmodi præsum-  
ptores, sicut accepimus, venerabilis  
frater noster Archiepiscopus Lundensis  
sæpe comminationes intederit, & arctius  
inhibuerit ne tale quid præsumeretur ul-  
terius, nihilominus præsumunt agere  
perniciosius quod vetatur. Nuper etiam,  
sicut nostris est auribus suggestum, cùm  
tres Clerici de legitimo matrimonio non  
suscepiti, in tribus Ecclesiis cathedralibus  
adversus ea quæ superius annotavimus  
electi fuissent, bonæ memoriae præde-  
cessori tuo, cujus erant Ecclesiæ illæ ju-  
risdictioni subjectæ, districtiūs vetuit ne  
illorum electionem ratam haberet, vel  
eis consecrationis munus impendere at-  
tentaret. Verum ille constitutioni præ-  
dictæ ac inhibitioni ejusdem Archiepiscopi  
obviare non metuens, duos eorum  
in Episcopos consecravit. Quod præfa-  
tus Archiepiscopus nolens relinquere  
impunitum, Episcopos illos ab officio  
iniquè recepto & consecrationem ter-  
tij à complemento suspendit. Quia verò  
illiū terræ homines sunt adhuc rudes in

Epist. 443.  
Ejusdem in  
argumento.

Epist. 444.  
De illegitimis  
nō ordinatis,  
nec ad digni-  
ties eligendis.

fide, ac inter eos pro hujusmodi Clericorum excessibus antiqui hostis invidia stimulante, scandalum non modicum (sicut dicitur) est exortum, discretionis tuae per apostolica scripta mandamus atque præcipimus quatenus inquiras super præmissis omnibus veritatem; & si rem noveris ita esse, Episcopos illos à pontificali officio sublato appellationis & contradictionis obstaculo, servato juris ordine, nostra fretus auctoritate deponas, & electionem tertij decernas irritam & inanem; ex parte tua & nostra districtius inhibens ne aliqui personas hujusmodi in Pontifices præsumant aliquatenus nominare. Quod si forte præsumplerint, tam electores quam eos qui electionem præsumptuose suscepient, ab officiis & beneficiis sine qualibet dilatione suspendas, & si restiterint contumaciter, ab eis reddas penitus alienos. Si vero mandatum nostrum non duxeris effectui mancipandum, noveris nos prædicto Archiepiscopo dedisse firmiter in mandatis ut te in prædictorum executione cessante, ipse auctoritate nostra quod mandamus exequi sublato appellationis obstaculo non omitterat. Datum Laterani Nonis Decembri.

*Scriptum est super hoc Lundum. Archiepiscopo.*

**EPISCOPO PETRAGORICEN.**

**Epiſt. 445.**  
Datus illi potestas visitandi cenobia, & ecclesiastica consti-  
tuenda, corrigenda &c.

**C**um nobis, licet immeritis, in specula sedis ap. constitutis omnium Ecclesiarum sit generalis cura commissa, nos attente conveniente & solicite providere ut per studium nostræ sollicitudinis in statu debito valeant conservari. Et quoniam ubique præsentia corporali adesse non possumus, per fratres & co-episcopos nostros, qui sunt in partem sollicitudinis evocati, ad rectum ordinem reduci volumus, qua in eis in ordinatae fuerint attentata, & in statum congruum reformari; ut personæ constituta in eis ad ecclesiastica obsequia prosequenda juxta doctrinam canonicam divinæ servitutis cultibus vigilanter intendant, & cunctis recte progredientibus ordine Dominus & propitiator noster dignè in ministrorum suorum operibus collaudetur. Nos igitur, venerabilis in Christo frater, tuis justis precibus grato concurrentes assensu, ut in Ecclesia sancti Stephani, in qua pontificalis administratio-

nis officium assumpisti, & in Ecclesia beati Frontonis, in qua curam geris Abbatis, super correctione ordinis & aliis ecclesiasticis constitutionibus cum majori parte Capituli, prout ipsis Ecclesiis expedierit, valeas ordinare seu statuere quod fuerit statuendum, & corrigerre corrigenda, liberam tibi sublato appellationis obstaculo auctoritate apostolica tribuum facultatem, nisi a paucioribus juxta constituta Lateranen. Concilij rationabile aliquid objectum fuerit & ostensem. Nulli ergo &c. Datum ut suprâ.

**E I D E M.**

**A**d audientiam apostolatus nostri Epist. 446.  
pervenit quod quidam monachi Vt vagi monachi  
& Canonici regulares singuli per cellas chi in cenobia  
singulas contra Lateranensis interdictum retrudantur.  
Concilij per tuam diocesim in Ecclesiæ scandalum demorantur. Super quo prudenter tuæ auctoritate præsentium indulgemus ut tales, nullius contradictionis vel appellationis obstaculo, auctoritate nostra compellendi liberam habeas potestatem ut ad claustrum suum redeant, vel tres aut duos ad minus de fratribus suis assumant, secum, sicut in eodem Concilio institutum esse dignoscitur, permansuros. Super eo vero quod præterea postulasti, ut cum saepius inter quoslibet sub examine tuo controversia suscitata, pro parte altera senes aut valitudinarij producantur, & timeatur ne deficientibus illis, partis illius debeat iustitia desperare, tibi hujusmodi admirtere liceat; fraternitati tuæ nihilominus duximus concedendum ut tales, sive partes præsentes fuerint, vel altera forte contumaciter absens, sicut juris ratio postulat, contradictione & appellatione cessante, ad perhibendum testimonium veritati recipias, & admittas. Datum Laterani VI. Idus Decembri.

**TVRONEN. ARCHIEPISCOPO.**

**Epiſt. 447.**  
Quod Episco-  
pos ad aliam  
Ecclesiam trâ-  
fere nemini  
licet nisi Rom.  
Pontifici.

**C**um fortius sit spirituale vinculum quam carnale, dubitari non debet quin omnipotens Deus spirituale conjugium, quod est inter Episcopum & Ecclesiam, suo tantum judicio reservaverit dissolvendum, qui dissolutionem carnalis conjugij, quod est inter virum & feminam, suo tantum judicio reservavit, præcipiens ut quos Deus conjunxit, homo non separet. Non enim humana